

Phil



59340



Mag. St. Dr.

Behm Martin: Sententiarum Stagiriticarum philosophica-  
rum spinis difficultatum increvans.



Biblioteka Jagiellońska



stdr0002099



SENTICETUM  
STAGIRITICVM  
PHILOSOPHICARUM SPINIS  
DIFFICULTATVM  
SVCCRESCENS.

Sub Candido Lilieti Præmonstratenſis auſpicio

*Inter ameniſſimas Vernantium in BRYSZKIEVIANO, Stemmata,  
Rosarum areolas*



EFFLORESCENS

Publicæ Ingeniorum Culturæ  
In Violeto Arenenſi

*Sub tempus Comitiorum Provincialium Ordinis Patrum Beatif-  
ſimæ Virginis Mariæ de Monte Carmelo: Regul.  
Obſervantiæ,*

PRODUCTVM

P E R

R. P. F. MARTINUM BEHM. S. Theol. Lectorem, & in  
Studio Generali Cracouiẽ Beatiffimæ Virginis Mariæ in Arenis  
Philosophiæ Regentem.

*Respondente FRE. ANASTASIO HERMANOWSKI, Subdiac: eiufdem  
Ordinis Philoſophiæ Alumno.*

Anno pullulantis è Concluſo Virginitatis Horto, Floris Nazareni  
1677. Menſe            Die            Horis pomeridianis.



C R A C O V I Æ,


Apud ALBERTUM GORECKI, S. R. M. Typog.





Candida dum niveis turgent Tibi lila gemmis  
Nata tuam casto tingere lacte Togam  
Purpureum roseo dum rubet Mucice stemma  
Seu Hyacinthino & nomina flore nitent  
In fero tunc vere quando sic omnia vernant  
Ergo tibi semper Tempora Versa fluent.





PERILLVSTRI,  
 &  
 ADMODUM REVERENDO DOMINO,  
 D. HIACYNTHO  
 BRYSZKIEWICZ,  
 CANONICORVM  
 REGVLARIVM SACRI

AC  
 CANDIDI ORDINIS  
 PRÆMONSTRATENSIS,  
 PRÆPOSITO ZWIE-  
 RZYNECENSI,

DOMINO ac PATRONO COLLENDISSIMO.



*B*ono omine, quia sub Candido Lilieti Præmonstratensis  
 auspicio, & cum florido Rosei tui decoris adsensu Senticetum hoc Sta-  
 giritica difficultatis, non incultam erudite concertationis culturam  
 auspiciatur PERILLVSTRIS & ADMODUM REVERENDE  
 DOMINE. Nouo equidem prodigio ista etiam pullulant in Rosas spi-  
 na: quas è Violeto Arenensi, non citra humanitatis Metaphorâ translatis, tuis  
 hodie vernantium in Stemmâ Rosarum Elisij, Tuæ erga Nos, plusquàm millena  
 gratia implantârunt. Et quidni à venustissimo hoc ab ipsa vetustate Frorilegio, ube-  
 rem sui decoris apparatus, Nostra etiam spina collegerunt? ex quo plusquàm ex Amal-  
 thea cornu, Copia; vernantissima pulchritudinis, in vniuersam campestris Polonia su-  
 perficiem liberali meritorum impendio exundauit. Quidni augustus hic ROSARUM  
 TERNIO, omnis exasse perfectionis capacissimus, in Victoriarum quodq; symbola, in-  
 cruen-



eruentis Minerue certaminibus effrondescat? qui triumphalem in se trabeam, vel basilico natalitij fulgoris sanguine, vel illustratiui hoc ruboris minio, explicat ad viuum coloratam. Roseus certe, & aureo quouis pretiosior, Currus, Caribaginis triumphatricem Emiliani Scipionis fortitudinem, Romano iunxit Capitolio: Martij huius nec delicati omnino Floris collaterales spina, Empyrea demum adita expunxerunt & expugnarunt feliciter, dum gentilitium illud Rosei Stemmatis laticlanium Trabeatis Caelorum Curulibus, & Senatu Læbico Archipræsulem transcripsit Adalbertum. Quodsi erubescant eam congenito rubore maculam, Campana aut Milesia aliorum Rose; quod fluxo imbelles genio, vel ad minimum seuerioris Boreæ assultum; pallida expauescant; at hereditaria Martia quod virtutis Herba hac, Herbam inclinata porrexit nemini: cum semper potius suo sub Manipulo militantibus ad Laureas gloriose assurgat decerpenda. Cinxerit olim contexta & Rosis Tania coronatos, militum suorum vertices, Annibalis Triumphator Canalius: an ut vetricibus Bellona Laureis, mitior quoque Flora, triumphale hoc sertum pulchrius innecteret: an ut hostili sanguine cuncta satius Victorum purpura, hoc etiam affusa Murice, dibappa veluti; serenius radiaret. Sed verius & TUARUM hodie ROSARUM, tanquam & sybilla solijs augurium expromo: optatum & mea tenuitati trophaum, & TUA humanitati, perennem non marcescentis gloria Palmam, in gentilitijs hodie Floribus vernaturam. Iam ergo ROSIS TUIS Comitibus, in Senticetum hoc Stagiriticum alacer descendendo; spinas mihi interim expungendis difficultatum salebris apprimè idoneas relicturus, TIBI floridam & TUISNET ROSIS Lauream relaturus.

PERILLVSTRIS & ADMODVM REVERENDÆ  
DOMINATIONIS TVE,

Humillimus Servus.

FR. MARTINUS BEHM, S. Theol. Lector,  
ac in Studio Formali Cōuentus Cracouien  
Arenarij, Philosophiæ Regens.





# RESOLUTIONES EX PHILOSOPHIA RATIONALI.

## I. LOGICA.

**E**st vera, & propriè dicta, Scientia Practica. Obiectum ipsius Materiale sunt Voces, Res, & Tres Mentis Operationes: Formale verò *sub Quo* predictorum iuxta præcepta sua Dirigibilitas. Artificialis, ad omnes Scientias acquirendas necessaria est secundum quid: ad difficiles tamen & obscuras, simpliciter, Moralitèr loquendo.

## II. COGNITIO.

**C**ognitio, quâ potentia cognoscitiua Obiectum sibi representat; sub nomine Intentionis, in Formalem & Obiectiuam diuiditur: Vtrâq; verò, in Primam & Secundam. Secunda Obiectiua subdiuiditur, in Secundam Obiectiuam Secundum se, quæ est Concretum ex primâ intentione formali, & primâ Obiectiuâ; vt *Genus, Species* v. g. & secundam Obiectiuam Secundum modum significandi tantum; quæ, licet tale Concretum non sit, illud tamen significat; vt *Homo, Animal* v. g.

## III. ENS RATIONIS.

**D**atur Ens Rationis strictè: illud autem est, vel Ens impossibile realitèr; quatenus in anima Obiectiuè Secundum esse reale possibilitabile; Vel Ens possibile realitèr, quatenus in anima Obiectiuè secundum esse reale impossibilitabile. Causalitas illius non tantum intellectui Creato, sed etiam Diuino immediatè, sano sensu competere potest. Idem de voluntate, ac sensibus internis, non externis, dicimus.



## DISTINCTIO.

**D**istinctio in genere, in negatione identitatis inter Extrema, siue realia, siue rationis, formaliter consistit. In Realem & Rationis adæquatissime diuiditur: proinde nullam inter has mediam, quouis nomine vocatam, agnoscimus: sed ad distinguenda cuiuscunq; Entis realiter simplicis prædicata, Distinctionem Rationis Ratiocinatæ, (esto quod sit adæquate extrinseca) sufficere defendimus.

## VNIUERSALE.

**V**niuersale strictè, ante præcisionem nullo sensu est reperibile: Causalitas ergo illius est præcisio, non quidem Obiectiua, sed sola formalis; quæ, neq; est actus Copulatiuus, neq; Disiunctiuius; sed Actus Confusus præcisè, dans pluribus vnitatem adæquate extrinsecam: quam vnitatem etiam Voluntas, & sensus Externi, pluribus dare possunt: proinde facere Vniuersale. Diuisio Vniuersalis vt sic, adæquata esse non potest, nisi quinque Prædicabilibus, nobiscum Sextum addatur, scilicet Vniuersale Concomitans, eò sic appellatum, quod sit indiuiduus Comes Generis, Speciei, & Differentiæ; non verò Proprii & Accidentis. Definitur rectè: *Vnum aptum predicari de multis, vt pars Materialis Essentia Singularis.*

## GENVS.

**G**enus definitur optimè: *Est vnum &c. aptum predicari de multis, vt pars Materialis Essentia Vniuersalis.* Primò intentionaliter Sumptum, in Abstracto est primum Prædicabile. Non prædicatur tamen de Specie, nisi vt æquale de æquali; cum solæ Prædicationes Concreti de Concreto sint veræ, exceptis Abstractis Metaphysicis æqualibus suis Concretis; & Concretis extrinsecè denominantibus. Sumptum Concretum, seu vt est primum Prædicabile, saluari potest in vnica Specie possibili, aliâ factâ impossibili. Immediate indiuiduari potest sub conceptu; imò etiam a parte rei, saltem Diuinitus.

## SPECIES, ET DIFFERENTIA.

**S**pecies est vnum &c. aptum predicari de multis, vt tota eorum essentia Vniuersalis. Primò intentionaliter sumpta, quoad perfectiones actuales intrinsecas, saluari potest in Vnico Indiuiduo, cæteris impossibilibus. Idem dicimus de Specie 2dò intentionaliter sumpta, præcisè sistendo in ratione. Differentia est vnum &c. aptum predicari de multis, vt pars Formalis Essentia Vniuersalis; & talis est respectu Speciei solum personaliter sumptæ. Superior non includit in suo conceptu formali inferiores, nec è contra.



## INDIVIDVVM, PROPRIVM, ET ACCIDENS.

**A**B Individuis Logicis, prout definitis Materialibus in hac definitione Individui; est id quod de uno solo predicatur; potest abstrahi ratio communis Vniuersalis secundò intentionalis secundum se; à Metaphysicis verò formaliter sumptis, ne quidem Ratio Entis est abstrahibilis. Proprium vt 4<sup>um</sup> Prædicabile, est unum aptum predicari de multis, purè in quale necessario & conuersim. Proprium Physicum non pertinet ad hoc Prædicabile formaliter, sed terminatiue tantum. Accidens vt quintum Prædicabile, est unum aptum predicari de multis, purè in quale contingentè: vt tale sit, non debet actu esse in multis Subiectis, de facto existentibus.

## IX.

## PRÆDICAMENTVM.

**P**rædicamentum, est debita còordinatio Generum & Specierum, ab vno Supremo Genere vsq; ad Individua. Nullo modo repugnat Deum poni in Prædicamento. Et quia defendimus, omnia Prædicamenta ordinari debere in Abstracto, consequenter resoluius, quod Christus, quatenus hic homo Physicè, in eodem collocetur. Inter multa Prædicamenta, Distinctio formalis per rationem sufficit.

## X.

## SUBSTANTIA.

**S**ubstantia est *Ens per se existens, in se Subsistens*: hæ tamen particule rectius explicari non possunt; quam per esse id, quod vt Quo, vel vt Quod, in eo ordine in quo reponitur, est primò naturaliter affectum formæ, quæ dat esse subsistens. Diuisio substantiæ in Primam & Secundam non est rigorosa.

## XI.

## QVANTITAS, ET QVALITAS.

**Q**uantitas Prædicamentalis consistit formaliter in partium extensione quâ extensione: cuius Species rectè assignantur Linea & superficies, non tamen vt distinctæ à Corpore. Quantitatem Molis non esse Accidens realiter distinctum à Materia prima resoluius. Qualitas est *Accidens Solidum Substantia duranti, & Vbicata realiter adueniens*.

## XII.

## RELATIO.

**R**elatio Transcendentalis est suo fundamento Essentialis quoad nos tantum. Prædicamentalis verò, illi, & termino extrinseca, ab eisq; realiter adæquatè distincta, & soli rationi formali fundandi identificata. Nulla terminatur ad oppositam Correlationem, sed ad absolutum tantum. Nulla item



exigit terminum actu existentem. Multiplicatis simul terminis, non necessario; successiue autem multiplicatis, ordinariè multiplicantur Relationes.

### XIII.

## PROPOSITIO, EIVSQUE VERITAS.

**P**ropositio est dictio completa per verbum. Indicativa est Qualitas formalitèr simplex: cui, sicut & Vocali, ac Apprehensivæ, etiam ab invicem separatis, ratio Propositionis verè conuenit. Veritas formalis Propositionis, quæ est relatio Prædicamentalis conformitatis actûs ad Obiectum, est tam actui, quàm Obiecto Accidentalis, & adæquatè extrinseca: fundamentalis verò (saltem in Materia contingenti) actui Accidentalis, & inadæquatè extrinseca. Propositio singularis de præsentì contingenti, de vera potest fieri falsa. Propositiones verò singulares de futuro contingenti, consideratæ antecederè ad omne Decretum Dei de Obiecti earum futuritione, vel non futuritione, sunt determinatè falsæ.

### XIV.

## DISCURSVS, SCIENTIA, OPINIO, &c.

**I**udicium Consequentis formalitèr sumpti, in quo Discursus vt est tertia Mentis Operatio consistit, attingit Obiecta Præmissarum: Præmissæ verò iudicativæ, tantum effectiue Moralitèr concurrunt ad actum Conclusionis. Positis Assensibus Præmissarum, & Apprehensione de bonitate Consequentia, necessitatur intellectus, non solum quoad Specificationem, sed etiam quoad Exercitium, ad assensum Conclusionis. Actualis Scientia, Fides humana, Opinio, & Error, de eodem Obiecto totali Conclusionis, in eodem intellectu simul naturalitèr compati possunt.





# EX PHILOSOPHIA NATURALI.

## I.

### PHYSICA.

**P**hyfica est vera & propriè dicta Scientia, eaq; Speculatiua. Pro Obiecto Totali Materiali, habet Corpus Naturale, cum ei circumadiacentibus nonnullis; siue Corpus Mobile, si ly *Mobile* sumatur radicalitèr. Pro Obiecto verò formali *sub Quo*, Naturalitatem Corporis Naturalis, & circumadiacentium.

## II.

### PRINCIPIA PHYSICA.

**P**rincipia Physica strictè sumpta Corporis Naturalis, rectè definiuntur. *Quæ neque ex alijs, neque ex se inuicem, sed omnia ex ipsis fiunt.* Ad Corpus Naturale in fieri adæquatè substantialitèr sumptum, quinque Principia; Scilicet, Materia, Forma, & Priuatio eius, subsistentia, & Priuatio eius: ad illud verò in factò esse, tria supradicta, præcisè Priuationibus, concurrunt. Generationis Corporis Naturalis, quod reipsa est à parte rei, vt Generationis, nulla Principia Physica strictè sumpta, assignari possunt.

## III.

### MATERIA PRIMA.

**M**ateria prima, quæ est primum vniuscuiusq; rei Subiectum, defacto datur. Est pura potentia Passiua sustentationis; non tamen Informationis, cum simul identicè sit Actus Informationis: neque etiam pura potentia Obiectiua, cum habeat Actum Entitatum, siue Existentiã propriã partialem, distinctam ab Existentiã Formæ. Omnes Formas Substantiales, etiam corruptas, æqualitèr ex parte sua appetit; à nulla tamen existente, à Priori, vel à Posteriori pendet. Potentia ipsius formalis, per quam recipit formas Substantiales, realitèr distinguitur ab illa. Est strictè ingenerabilis & incorruptibilis.

## IV.

### FORMA SUBSTANTIALIS.

**F**orma est Actus Substantialis, vnã naturam per se completam, cum materia constituens. Non est tota essentia Corporis Naturalis. Sistendo præcisè in ratione, quælibet Materialis, naturalitèr intendi & remitti potest. Variæ item formæ Substantiales totales, non subordinatæ, si non habeant dispositiones contrarias, naturalitèr; si verò habeant, saltim supernaturalitèr, esse possunt simul in eadem Materia, tanquam Causa Materiali. Forma, quæ connaturalitèr educitur, Diuinitus creari potest; & è contra, quæ creatur, Diuinitus educi



potest. In viuentibus nullam formam Corporeitatis, præter Specificam & vltimam, concedimus.

V.

**SUBSISTENTIA.**

**D**ari Subsistentiam à natura realitèr distinctam, satis euincit Mysterium Incarnationis, quam in Positiuo, consistere defendimus; effectum eius formalem assignantes, vltimum Terminum Substantialem Naturæ. Materia & Forma subsistunt subsistentiâ vnâ totali & indiuisibili. Natura Creatâ, etiâ naturalitèr, sine omni subsistentia existere potest. Eadem tamen Natura, nonnisi supernaturalitèr, terminari potest duplici subsistentia, vtrâq; vel propriâ, vel alienâ; aut vnâ propriâ, & alterâ alienâ. Forma Accidentalîs est per se immediatè assumptibilis à Persona Diuinâ.

VI.

**UNIO, ET COMPOSITVM.**

**I**n naturali Composito, Vnicus tantum & simplex reperitur modus: qui secundum suum Conceptum Genericum, est duorum realitèr distinctorum Vnio: Vnde primæ Qualitates, & aliæ duorum non vnitæ Actiones, non sunt Modi. Vnio ab Extremis etiâ indistantibus, & dispositis &c. realitèr distinguitur: in Homine tamen Generationi; in Composito verò ex forma Materiali, Eductioni realitèr identificatur. Est intrinsecè Accidentalîs, & solum extrinsecè Substantialis. Compositum seu Totum formalitèr, non est Entitas ante intellectum ab Extremis & vniq; coniunctim sumptis, realitèr distincta; sed Denominatio Conceptus totalitèr illis extrinsecâ.

VII.

**CAUSA.**

**C**ausa in genere, est Principium communicans esse rei. Materialis & Formalis, ad cauandum in suo genere, requirunt Existentiâ sui realem: non ita Causa Efficiens, cum ne quidem Existentiâ Principij Quod immediati in virtute requiratur, modò hoc paulò ante præcesserit. Materia, & forma in genere Causæ formalis, naturalitèr; in genere verò Causæ Materialis, supernaturalitèr se mutuò causare possunt, quoad esse negatiuè primum: idem de Causa Efficiente & Effectu in suo genere dicimus. Imò & eodem instanti reali, quo Effectus à Solo DEO v. g. producitur, potest supernaturalitèr dare sibi primum esse, per actionem negatiuè primam. Non implicat, posse naturalitèr à duabus Causis Totalibus, produci eundem Effectum.

VIII.

**CAUSALITAS.**

**C**ausalitas eductiua est aliquid realitèr distinctum à Causa Efficiente, Terminò, & omnibus ad agendum prærequisitis: Passioni tamen, etiâ quâ receptioni formæ in subiecto sustentationis, realitèr identificatur, & in solo ipsius Subiecto recipitur. Potentiæ & Actiones, tam immanentes, quam tran-



transeuntes specificatione formali specificantur; à prima intentione formali Vniuersalificante: specificatione verò fundamentali à communi Philosophorum iudicio. Omnis Actio productiua cuiuscunq; Substantiæ sublunaris, substantiam & Accidens tanquam Principia immediata *Quo respicit immediate.*

I X.

*CAUSA INCREATA.*

**C**Ausa increata ad omnes Causarum Secundarum Actus, tam necessarios, quam liberos, etiam malos, immediate concurrir, non solum Concurſu ſimultaneo, ſed & Præuio aliquo Phyſicè efficaci, qui eſt aggregatum ex omni Concurſu DEI ad omne id, quod ſe tenet ex parte Cauſæ Cauſantis, prout Cauſa Cauſans præciſè à ſua Actione condiftinguitur: cum quo adhuc ſtat; Determinationem neceſſariam ad Indiuiduum, vt hoc præ cæteris infinitis ponatur, ſic eſſe ex natura Cauſæ Secundæ, vt à DEO, nec abſolutè ad vnum, nec diſiunctiue ad hoc vel illud determinante, eſſe poſſit.

X.

*CREATIO, ET ELEVATIO.*

**C**reatio ſtriçtè, eſt productio rei ex nihilo, ſue ſui, ſue Subiecti; à Creante & Creatura realitèr diſtinguitur. Attentâ ſolâ ratione naturali, vis Creandi eſt connaturalitèr communicabilis Creaturæ, vt Cauſæ principali. Datur Potentia Paſſiua Obedientialis ad recipiendum quamlibet formam, non alligatâ Eſſentialitèr determinato Subiecto. Similitèr etiam datur Potentia Actiua Obedientialis ad producendum quemlibet Effectum, non alligatum Eſſentialitèr determinatæ Cauſæ. Subſtantia, & Accidentia, toto tempore quo durant, directè & Subſtantificè conſeruantur ab illis omnibus Cauſis, à quibus primò productæ ſunt, licet hæc tùm non exiſtant.

A D M A I O R E M  
DEI PRÆPOTENTIS GLORIAM,  
N E C N O N  
GLORIOSÆ VIRGINIS MATRIS,  
SINGULARIS CARMELITARVM  
P A T R O N Æ,  
H O N O R E M.





... et Accidens tandem Fructus immixtus esse recognoscitur.

САНТ-ИСКРАТА

X

CREATING THE FUTURE

A D M A I O R E M

DEI PREPOTENTIS GLORIA

GLORIOSA VIRGINIS MATRIS

Э. И. О. И. Т. А. Ч

NON O R E M.

[illegible]



